

Monday, June 9, 2025

Time - 2:30pm - 2:35pm

AKASHVANI AIZAWL
REGIONAL NEWS UNIT

VKSA

Kut hnathawh tunlai mil tura beihpui thlakna Viksit Krishi Sankalp Abhiyan (VKSA) chu Mizoram khaw 700 chuangah kalpui mek a ni.

Akashvani News in an kawmna ah Directorate of Agriculture-a Joint Director leh VKSA Nodal Officer Pu B. Ramnunsanga chuan Viksit Krishi Sankalp Abhiyan in a tum ber chu loneitute hnenah an thlai leh ran vulh te a lo pun theih nan an hriat tur tul ang zawng zawng an hrilh ang a, loneitute hnen atangin an mamawh leh an harsatna an zir pah nghal dawn a ti a. Loneitute hnenah an thlai chin kawngah leh an mamawhna hrang hrangahte an hriat tur tawngka leh ziakin anmahni hmun ngeia va hrilh hriat a nih thu a sawi a ni.

Byte : VKSA Nodal Officer Pu B. Ramnunsanga

Sorkar laipui chuan ram pumah buh leh bal tharchhuah a lo pun theih nan Fur (Kharif) leh Thlasik (Rabi) ah te beihpui thlak tura hma a lak angin, Thlai chin hmaa loneituten an hriat tur ang an hriat theih nan Mizoramah chuan May ni 29 atanga June ni 12 thleng VKSA hi neih tura ruahman a ni a, thlasik thlai (Rabi) chin hma in October ni 1 atanga ni 15 inkarah VKSA campaign hi neih a ni leh dawn bawka a ni.

Mizorama VKSA beihpui thlakna kal mekah hian District tinah Team pathum siam niin ni 1-ah khaw pahnih atanga pathum tal tlawhin campaign an nei tur a ni a, VKSA campaign hawn ni May ni 29 atanga June ni 4 thleng khan khaw 712 ah campaign neih tawh niin, loneitu mipa 10,657 leh hmeichhia 7,950, an vaiin mi 18, 607 te hnenah an thlai thar te awmze nei leh changkang zawka enkawl dan leh an lo tih dan thin aia tha zawka an hriat tur tul te an hrilh a ni.



PMMY

Dahkham ngai lova loan lak theihna, “Pradhan Mantri Mudra Yojana” chu Mizoram mipuiten an tangkaipui hle a, kum 2024-25 financial year chhung khan mi sing 1, sang 4, 800 bawr vel hnenah PMMY loan pek chhuah a ni.

Akashvani Regional News Unit-in Pradhan Mantri Mudra Yojana (PMMY) kum 10 tlinna puala Mizoram Rural Bank, Kolasib MRB RSETI, Director C. Laldampaia, leh Mizoram Rural Bank, Manager (Advances), Freddy VL Muanpuia Fanai te a kawmnaah PMMY chu kum 2025 April ni 8 ah sorkar laipuiin flagship programme atana a duan a ni an ti a. Pu C. Laldampaia chuan Sorkar laipui chuan PMMY ah tum lian pui pui 4- mitin huap banking service siam a ni a ti aa, mi in sum a thawh chhuah theihna tura chhawmdawlina pek, mitin in midang pur lova anmahni kutke a an din theihna

tura pawisa tlem te an lo neih theihna tura ruahmanna siam leh bank ah pawisa an duh zat ang lak theih loh avanga pawisa pukna kalphung awm hran lova mi hausa zawk te pawisa a pung awm puk sakna thleng thin tihbo chu a tum ber a ni a ti.

Byte: Pu Dampuia

Freddy VL Muanpuia chuan PMMY chu ram mipuiten an tangkaipui hle a ti a, PMMY hnuaiah ram pumah mi vbc 23 chuang hneah loan cheng vbc nuai 22, 662 vel pek chhuah a ni tawh tih sawiin PMMY chu chi thuma thliar a ti a ti a, cheng sing 5 thleng loan lak theihna - Shishu, cheng sing 5 atanga cheng nuai 5 thleng loan lak theihna- Kishor leh cheng nuai 5 atanga cheng nuai 10 thleng loan lak theihna Tarun ah te then hran a ni a ti a. Sorkar laipui pawhin ram mipuiten hamthatna an dawn nasat zia a hriat avangin 2024-25 Union Budget ah cheng nuai 20 thleng loan lak theihna Tarun+an duang leh tih a sawi a. Mizoram mipuite pawhin PMMY hi an tangkaipui hle tih sawiin kum 2024-25 financial year chhung khan mi sing 1, sang 4, 800 bawr vel hnenah PMMY loan pek chhuah a ni tawh a ti a, loan latute chu sorkar guarantor ah a tan avanga inthlahdah mai lovin, loan an rulh that loh chuan loan dang an lak leh theih loh phah thin avangin loan rul tha turin a chah a ni.



LUNGTIAN HS

Lawngtlai District Govt Modern High School Lungtian-a Mathematics zirtirtu Pu H.Lalhmingmawia, Govt Aizawl High School a sawn anih chungchangah vawiin khan Joint Co-ordination Committee Lungtian hmalakna in lungawi lohna lantir niin zirtirtu leh zirlaite School kai tur chu dan an ni a. Sawrkar a an thilphut ah chhanna an hmuh hma chuan kalpui zel an tum thu an sawi.

Joint Co-ordination Committee Lungtian te hian May ni 27 khan thuchhuah siamin Pu H.Lalhmingmawia (Mathematics zirtirtu) sawn chhuahna order sut anih loh chuan a aiawh Regular Teacher (Mathematics zirtirtu) May thla ral hma ngeia dah turin Sorkar an phut a. An thil phut chu tun thleng in a hlawhtlinna an la hmuhloh vangin nasa zawkin Sorkar nawrna hi vawiin atangin an kalpui tan a, Sawrkar in an ngenna a tihlawhtling lo anih chuan June ni 12 atangin tiamchin awm lovin kawngpui dan a, total bandh neih an tum thu an sawi.

Joint Co-ordination Committee Lungtian ten Govt Modern High School Lungtian a Mathematics zirtirtu sawn vanga hma an lakna hian thlawp a hlawh tha hle a, Lungtian khawtlanga zirna In zawng zawng bakah Revenue & Settlement Office Lungtian, EF & CC Office te pawh khar a ni a, Sorkara an thu thlen ngaihpawimawh a nihloh a, a hlawhtlinna an la hmu lo anih chuan an hmalakna hi kalpui chhunzawm zel an tum thu an sawi a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh

newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar puan leh a ni ang.



11 YEARS OF MODI GOVT

Prime Minister Narendra Modi chuan kum 11 chhung a ramchhung mipui te tana a hnathawh Seva, Sushasan leh Garib Kalyan kaltlangin India chuan nasa takin hmasawwna a hmu a, Akashvani chuan heng hmasawwna hrang hrang te hi phochhuak in vawiin ah chuan India hmarchhak a hmasawwna kawng hrang hrang tarlan a ni dawn a ni.

SFX

Kum 11 chhung khan India Hmarchhak ah chuan hmasawwna nasa tak in a thleng a, Prime Minister Narendra Modi a kaihruainna hnuai ah Act East Policy kalpui in heng state ah hian tharum thawhna a tlahniam nasa hle a, remna leh muanna a awm theih nan hmalak a ni a, Assam leh Arunachal Pradesh ramri buai chinfelna MoU ziah niin, Mizoram ah pawh rel kawng siam thar a ni bawk. Hmarchhak State nasa tak a tih hmasawn a ni a, tunah chuan Northeast chu ramri mai ni tawh lo in India tan hmasawwna kawng pawimawh tak a ni tawh a ni.

